



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇՈՒԿԱՅԻ ՎԵՐԱՀՍԿՈՂՈՒԹՅԱՆ ՏԵՍԶԱԿԱՆ ՄԱՐՄԻՆ

Ո Ր Ո Շ ՈՒ Մ N_30
Տուգանք նշանակելու մասին

21.02.2024թ.

ք. Երևան

Քննելով տեսչական մարմնի կողմից 2024թ. հունվարի 19-ի N 33-Ա հրամանով

«Ջ ԱՄԱՐՅԱՆ» ՍՊԸ-ում /ՀՎՀՀ՝ 00246383/

Տնտեսվարող սուբյեկտի անվանումը

կատարված ստուգման նյութերը (ստուգման ակտ N 33-Ա կազմված 09.02.2024թ., խախտումների մասին 23.01.2024թ. արձանագրությունը և այլ նյութերը), որոնցով բացահայտվել է որ՝ ՍՊԸ-ն ՀՀ Արագածոտնի մարզ, գ. Ալագյազ, Ռյա Թազա 1-ին մայրուղի 31 հասցեում իրականացնում է սեղմված գազի (ԱԳԼՃԿ) մանրածախ վաճառք:

Ստուգումն իրականացվել է ՀՀ կառավարության 6 հունիսի 2019 թվականի N 730-Ն որոշմամբ հաստատված «Ավտոգազալցակայանների շահագործման տեխնիկական անվտանգության կանոնների ստուգման վերաբերյալ» և «Չափումների միասնականության ապահովման ստուգման վերաբերյալ» ստուգաթերթերի հիման վրա:

Ստուգման ընթացքում պարզվել է, որ օրենսդրական չափագիտական հսկողության ենթակա չափման միջոցները՝ բնական գազի լիցքավորման 2 բաշխիչ աշտարակները յուրաքանչյուրը 2 ճկափողերով 19.11.2021թ.-ից առ ստուգման պահին ընկած ժամանակահատվածը չափագործվել են առանց ստուգաչափման, որպեսզի զանցանքը նախատեսված է ՎԻՎ օրենսգրքի 158-րդ հոդվածի 41-րդ մասով:

ՀՀ շուկայի վերահսկողության տեսչական մարմնի ղեկավարի կողմից խախտումները և թերությունները չվերացնելու ուղղությամբ կարգադրագիր չի արձակվել, քանի որ վարչական իրավախախտում կատարած անձը 26.01.2024թ.-ին թերությունները վերացարել է:

Փաստացի խախտվել են՝ «Չափումների միասնականության ապահովման մասին» ՀՀ օրենքի 16-րդ հոդվածի 1-ին մասի պահանջը:

Նշված իրավախախտման համար ըստ ՀՀ իրավաբանական անձանց պետական ռեգիստրի էլեկտրոնային քաղվածքի պատասխանատու է հանդիսանում՝ «Ջ ԱՄԱՐՅԱՆ» ՍՊԸ-ի տնօրեն՝

Ջնդի Մահմադի Ամարյանը
իրավախախտողի անունը, ազգանունը, պաշտոնը
ՀՀ, ք. Երևան, Գուլակյան փ. 80 1ա
մշտական բնակավայրը և հասցեն

Վարչական իրավախախտման վերաբերյալ արձանագրությունը կազմելիս վարչական պատասխանատվության ենթարկվող անձին բացատրվել է «Վարչական իրավախախտումների վերաբերյալ» ՀՀ օրենսգրքի 267-րդ հոդվածով նախատեսված նրա իրավունքներն ու պարտականությունները, որի համաձայն «վարչական պատասխանատվության ենթարկվող անձը իրավունք ունի ծանոթանալու գործի նյութերին, բացատրություններ տալու, միջնորդություններ հարուցելու, գործի քննության ընթացքում օգտվելու փաստաթանի իրավաբանական օգնությունից, ելույթ ունենալու մայրենի լեզվով և օգտվելու թարգմանչի ծառայություններից, եթե չի տիրապետում այն լեզվին, որով տարվում է վարույթը գանգատարկելու գործով որոշումը»:

Ղեկավարվելով սույն հոդվածով՝ վարչական պատասխանատվության ենթարկվող անձին բացատրվել է, որ գործը կարող է իր բացակայությամբ քննվել միայն գործի քննության տեղի և ժամանակի մասին նախապես ծանուցված լինելու դեպքում, եթե նրանից միջնորդություն չի ստացվել գործի քննությունը հետաձգելու մասին:

Վարչական պատասխանատվության ենթարկվող անձը պատշաճ ծանուցվել է ՀՀ շուկայի վերահսկողության տեսչական մարմնում 21.02.2024թ.-ին ժամը 11:00-ին կայանալիք վարչական գործի քննությանը, այն է Տեսչական մարմնի կողմից ապահովվել է նրա լսված լինելու իրավունքը, սակայն չի ներկայացել և ղեկավարվելով «Վարչական իրավախախտումների վերաբերյալ» ՀՀ օրենսգրքի վերնշված հոդվածով գործը քննվել է նրա բացակայությամբ:

Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածին համապատասխան իրավախախտում կատարած անձի նկատմամբ վարչական տույժը որպես վարչական պատասխանատվության միջոց կիրառելիս հաշվի են առնվել կատարված իրավախախտման բնույթը, նրա անձը, մեղքի աստիճանը, գույքային դրությունը պատասխանատվությունը մեղմացնող և ծանրացնող հանգամանքները:

ՀՀ ՎԻՎ օրենսգրքի 158-րդ հոդվածի 41-րդ մասով կիրառվելիք պատասխանատվության միջոցը՝ տուգանքը, հաշվարկել սահմանված նվազագույն աշխատավարձի երկուհարյուրապատիկի և ընկերությունում 23.01.2024թ.-ից մինչև 25.01.2024թ.-ը իրականացված ստուգմանը նախորդող եռամսյակի՝ տվյալ գործունեության իրականացման հասցեում հսկիչ դրամարկղային մեքենաներով իրացման շրջանառության մեկ տոկոսի չափով: 2023 թվականի 4-րդ եռամսյակի՝ տվյալ գործունեության իրականացման հասցեում հսկիչ դրամարկղային մեքենաներով իրացման շրջանառության մասին տեղեկությունները չափումների միասնականության ապահովման ոլորտում վերահսկողություն իրականացնող ՀՀ շուկայի վերահսկողության տեսչական մարմնին Հայաստանի Հանրապետության կառավարության սահմանած կարգով թիվ 01/71-6/9688-

130/242

2024 գրությունով տրամադրել է ՀՀ պետական եկամուտների կոմիտեն: Տեղեկատվության համաձայն այն կազմում է 23 922 800 /քսաներեք միլիոն ինը հարյուր քսաներկու հազար ութ հարյուր/ ՀՀ դրամ, իսկ տվյալ գործունեության իրականացման հասցեում հսկիչ դրամարկղային մեքենաներով իրացման շրջանառության մեկ տոկոսի չափը կազմում է 239 228 /երկու հարյուր երեսունինը հազար երկու հարյուր քսանութ/ ՀՀ դրամ:

Ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածի 2-րդ մասով, 33-րդ հոդվածով, 34-րդ հոդվածով, 244.7 հոդվածով, 279-րդ հոդվածով, 281-րդ հոդվածով և 282-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի


1. Տվյալ իրավախախտման համար պատասխանատու Ջնդի Մահմադի Ամարյանի նկատմամբ կիրառել, իրավախախտում կատարելու ժամանակ գործող Վարչական իրավախախտումների վերաբերյալ Հայաստանի Հանրապետության օրենսգրքի 158-րդ հոդվածի 41-րդ մասով նախատեսված պատասխանատվության միջոցը, սահմանել տուգանք սահմանված նվազագույն աշխատավարձի երկուհարյուրապատիկի և ստուգմանը նախորդող եռամսյակի մեկ տոկոսի չափով, այն է՝ 239 228 /երկու հարյուր երեսունինը հազար երկու հարյուր քսանութ/ ՀՀ դրամ, ընդհանուր՝ //200 000 և 239 228// 439 228 /չորս հարյուր երեսունինը հազար երկու հարյուր քսանութ/ ՀՀ դրամ:

2. Տուգանքը պետք է վճարվի **Պետական բյուջե 900005024014 հ/հ:**

3. Տուգանք նշանակելու մասին որոշման հարկադիր կատարումը իրականացվում է «Վարչարարության հիմունքների և վարչական վարույթի մասին» ՀՀ օրենքի 5-րդ բաժնի դրույթներին համապատասխան:

4. Սույն որոշումը կարող է բողոքարկվել ուժի մեջ մտնելու օրվանից երկու ամսվա ընթացքում Վարչական դատարան:

ՏԵՍԶԱԿԱՆ ՄԱՐՄՆԻ ՂԵԿԱՎԱՐ՝


ԱՐՄԵՆ ԿՈՏՈՒՅԱՆ